



## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

XXII. De Prudentia. Ejus necessitas, & difficultas. Officium viri prudentis.

**urn:nbn:de:hbz:466:1-10805**

4. Natura omnibus amorem inuidit mutuum, & sociabiles fecit: omnes enim homines magni corporis membra sumus, ad eamdem fidem & gloriam vocati. Non amat Deum, qui non diligit fratrem suum. Actus vero dilectionis erga proximum sunt, beneficia omnibus conferre, omnibus prodesse, omnes obsequio & amore prævenire. Beneficia autem læto animo & prompto indigentibus conferes, nullâ intercedente morâ, nisi in accipientis verecundiâ. Sufficiat ad remedium tristius quidpiam passis, quod eorum indigentiam scias. Molestem verbum, & onerosum est, Rogo. Si amici defiderium occupas, & antecedes, antequam rogeris, multiplicas munus tuum. Non tulit gratia, qui, cum rogâset, accepit. Si prævenire non potuisti, plura rogantis verba intercede, ne rogatus videaris; tisque daturum, ipsa festinatione approba, etiam si non fuisses interpellatus. Tum bona verba bonis rebus adjice; nec quidquam triste misceas beneficio, non modestiam, non tarditatem, non exprobrationem, non denique jactantiam. Res ipsa te silentio loquetur; & qui videt in abscondito, reddet tibi.

5. Inter actus Christianæ beneficentiae præcipuum tenet locum eleemosyna; quâ fides probatur, redimuntur peccata, emitur cœlum. Cave ergo, ne despicias pauperem, qui cum sibi egenus sit, te facere divitem potest. Peccatis tuis venundatus es, redimo te pecuniâ tua: facile instrumento avaritiae, subsidiu miserericordiae. Histrio teadrisum provocans, plenus à te recedit; Christus offerens regnum celorum, nihil accipiet. Tributa Principi vel invitus solvis, et si ex agris nihil percepis; Christo Regi ex eo, quod superabundat, frustum panis denegabis? Cave, ne parcens pecuniis tuis, reus sis sanguinis fratris tui. Si non pavisti, occidisti. Cogitas, quâm bene alii post te vivant; non cogitas, quâm male tu moriaris. Satis est deesse aliquid hæredibus tuis de patrimonio, quam tibi de salute. Infipe rationes tuas. Vide, quid in æterna patria, quid hic possideas. Ex omnibus rebus tuis id solum in morte repieres, quod per manus pauperum in cœlum præmisisti. Argue infidelitatem tuam. Invadere domum hostis potest, cœlum non potest.

## CAPUT XXII.

*De Prudentia. Ejus necessitas, & difficultas. Officium viri prudentis.*

1. **U**T architectis nullum opus rectè procedit sine linea, & libella; ita nec nobis sine prudentia. Hæc norma cæterarum virtutum est, recta ratio agendorum, oculus animæ, & ars vivendi. Non potest esse jucunda vita, à qua absit prudentia. Hanc artem difficillimam esse omnes fatentur. Sed & obscura est. Oritur ex eo difficultas; quod intrâ considerationis suæ ambitum res omnes tam universas, quam singulares complectatur: ac deinde, quod nullus sit certus status rerum humanarum; quæ cum sint variae semper & contingentes, atque à diversis pendent circumstantiis, nou est cujusque ingenii, certam in illis statuere normam, & quæ non raro repugnantia sunt, certo quodam temperamento conjungere, & miscere. Obscuritatem vero adfert caligo illa, quâ rerum gerendarum causæ involvuntur. Apparet quidem earum fastigia; sed latent fundamenta. Latet etiam divinum decretum, de prospero vel infelici rerum eventu: unde fit, ut paucorum sit ista virtus. Pauci possunt quid magis expediat in quovis negotio prævidere.

2. Prudentiam gignunt usus, & memoria. Res enim singulares, quas illa regit, notæ homini sunt per usus, & experientiam. Tulus eris, si tuo, & alieno credideris experimento; nec altiori rei te impones, in qua tibi tremendum, & unde cadendum sit. Ut vero omnia prudenter disponas, inspicere primù debes te ipsum; deinde negotia quæ aggredieris; tum eos, quorum causæ, vel cum quibus agendum est. Et te ipsum quidem accuratè aestimabis, ne plus quam potes tibi posse videaris. Aliquis eloquentiæ fiduciâ prolapsus est: quidam patrimonio suo plus imperavit quam ferre queat: alius infirmum corpus laborioso oppreslit officio. Aestimanda sunt postea quæ aggredieris; & vires tuæ cum rebus agendis comparanda. Opprimitur onera, quæ ferente majora sunt. His quoque admovenda manus, quorum finem aut facere aut certè sperare possis. Hominum deinde delectus habendus est, an digni sint quibus partem vitæ tuæ impendas: eorum mores examinandi; ne tibi nocæs, dum alijs prodesse stades. Denique considerandum est, utrum natura tua rebus hujusmodi agendis



agendis idonea sit; & eò inclinandum, quò te vis ingenii defert. Reluctante natura irritus labor est.

3. Vir prudens nihil aggreditur, quamdiù aliquā perturbatione agitatur: non enim potest verum & honestum discernere concusa mens, & pravæ affectionis præstigiū delusa. Multum item prudentiae adversatur præcipitatio, que in grayes ac inextricabiles casus plerosque induxit. Quare prudens nil temere agit, propriumque judicium alieno consilio subjicit. Timidæ sunt hominum cogitationes, incertæ providentiae, rerum exitus dubii, fallaces experientiae. Ibi falso, ubi multa consilia. Spectat quoque ad prudentem, rem denudare & acutè intropicere, siue fuso & integumentis, quæ decipere incautos solent. Sepone pecuniam, famam, dignitatem: intus rem ipsam serutare: quære quid sit, non quid vocetur. Stultum est, simulacris & umbris falli. Tum debes veluti ex specula quicquid evenire potest explorare; ne stultum illud quandoque dicendum sit: Non putaram. Ad id longa consultatio adhibenda, maturumque judicium, & subtile examen; ne prava aliqua circumstantia actionem vitiet, ne prudentia degeneret in astutiam & calliditatem, & ne in tanta veri ac fucati boni vicinia vitium pro virtute amplectaris. Peractâ denique electione, omnem praecide moram, statimque exequere quod decrevisti. Nullus cunctationi locus est in bono consilio; quod non potest laudari, nisi peractum.

## C A P U T X X I I I .

*De Justitia, & Religione. Actus utriusque. Quid sit paenitentia, & in quo confusat.*

1. **I**ustitia suprema virtus, aliis nata non sibi, quicquid habet transfundit in proximos, nihil petens ex se, nisi usum sui. Hæc homines à mutuis injuriis avertit, & mundum universum in pace constituit. Hæc tacita quedam naturæ conventione est, & vinculum societatis humanae; nec quidquam sine illa laudabile esse potest. Vir justus neminem lædit, alienum non vendicat, omnibus prodest, benè de omnibus sentit & loquitur, dat unicuique quod suum est, non impedit alterius bonum. Si præsit, justa præcipit, omnibus patet, propriisque utilitatibus subditorum commoda præfert: pœnis vi-

tia coerget, præmia bonis largitur, & sic omnes contineat in officio. Si sublit, servat concordiam, legibus paret, & iullis majorum, suoque statu contentus officia & dignitates non appetit, nec se rebus ingredit quæ ad se non spectant. Gratus autem justitiam colit, quia justæ actionis nullum majus præmium existimat, quam justum esse.

2. Religio moralium virtutum præstantissima, Deum immediate respicit, ejusque cultum & honorem. Primus autem cultus est, ipsum credere & cognoscere: deinde, reddere illi majestatem suam, reddere bonitatem. Parum est nosse Deum, quod & dæmones faciunt, qui oderunt: amor infuper & culcus exigunt, his ex rebus constans; quæ utinam tam bene implentur, quam sciuntur! Scis, Deum illum esse, qui præsidet mundo; qui humani generis tutelam gerit, qui universa moderatur. Ipsum solum potenterem, solum bonum, solum altissimum confiteris: ab eò tanquam à summo bono, & tuo ultimo fine, perpetuam beatitudinem expectas. Cur non igitur, ut par est, eum colis? cur non summan ei exhibes venerationem? cur vilissimam terræ glebulam ei præfers? Vana est religio tua, nisi factis comprobetur. Vis verè religiosus esse? Ambula coram Deo, & esto perfectus. Satis eum colit, qui imitatur. Vera Religio te Deo religat, Deum tibi. Custodi eam illibatam à negligientia, ab erroribus, à peccatis. Stultitia magna est, fidem linguâ, moribus infidelitatem prædicare. Hujus notæ homines irrisit olim celebrimus inter Ethnicos Philosophos, dicens; Nihil glorioius esse Christianis, cum loquuntur: nihil miserabilius, cum operantur.

3. Divini juris læsi reparatrix est Pœnitentia; quæ ad peccati detestationem inclinat, cum efficaci voluntate, Deo, per illud offenso, facili faciendo. Hæc est enim poenitentia, præterita peccata detestari, expiare; nec amplius in ea consentire. Præterit quod delectat; restat quod arguit, quod torquet, quod damnat. Quid prodest transactam fecitatem abscondere? Nemo nocens se judge absolvitur. Tribunal quoddam à natura in ipsa mente humana constitutum est, ubi unusquisque sui sceleris accusator est, & testimoniis, & judex. Hic coge animum & sensus tuos quotidie adesse, ad reddendam rationem. Dic apud te caussam; & quantum potes, te ipsum coargue. Totum diem tecum scrutare; omnia dicta & facta tua, atque ipsasmet cogitationes remetire, nihil abscondens, nihil transiens. Si agnoscis iniquitatem